

**Protocol no. 17**  
**Sezzüda da marcurdi, 2 mai 2012 – 20.00-22.30**

**Preschaints:** Albert Mayer, Andri Poo, Men Caviezel, Dumeng Jann  
Claudia Luppi (protocol)

**S-chüsada:** Marianne Werro-Lehmann

**Protocol**

Il protocol no. 16 da la sezzüda da mardi, 24 avrigl 2012 vain approvà.

**112 021 FABRICA**  
**Uina SA - Nouva etappa d'explotaziun, Panas-ch Sura**

Tenor la revisiun parziala da la zona da Panas-ch Sura chi cumpiglia eir il plan d'utilisaziun per quel cuntegn esa previs ün ingrondimaint da la zona d'explotaziun. Quista revisiun es gnüda acceptada da la cumünanza d'urna da Sent. Per pudair cumanzar cun üna nouv'etappa d'explotaziun es l'Uina SA in dovair da far üna dumonda da fabrica in procedura per fabricats dadour la zona da fabrica (BAB).

Il Cussagl cumünal decida d'inviar la dumonda per la procedura per fabricats dadour la zona da fabrica (BAB).

**113 021 FABRICA**  
**Marco e Heidi Laurent – Müdamaint dal proget, ingrondimaint da la chamonna, Plan da Porchs**

Sün cussagliaziun da l'uffizi per il svilup dal territori Grischun chi tratta las dumondas per stabilimaints dadour la zona da fabrica han ils patruns da fabrica modificchè lur proget invià a l'uffizi in favrer. Ils patruns da fabrica dumondan uossa il permiss da fabrica pel proget modificchè. Implü vuessan els metter sü üna chamonnina per giovar pels uffants sün lur parcella. Il Cussagl cumünal decida d'inviar la dumonda per la procedura per stabilimaints dadour la zona da fabrica (BAB).

**114 021 FABRICA**  
**Ulrich Franke – Prolungaziun dal permiss da fabrica, Archas**

Il patrun da fabrica dumonda üna prolungaziun da duos ons dal permiss da fabrica concess dal 2010 causa ch'el fabric'h'oura la chasa per gronda part sves e dovra uossa amo temp per finir il fabricat. Il Cussagl cumünal decida da conceder il permiss per üna prolungaziun, però be per ün on, sco prescrit illa ledscha da fabrica. In cas da bsögn pudess gnir fatta la dumonda per ün ulteriura prolungaziun.

Il cumün inchascha üna taxa da trattamaint da fr. 50.--.

115 021

**FABRICA**

**Valentin Crastan – Prolungaziun dal permiss da fabrica, Curtin**

Il patrun da fabrica dumonda üna prolungaziun dal permiss da fabrica concess dal 2010. Il Cussagl cumünal decida da conceder il permiss per üna prolungaziun per ün on, sco prescrit illa ledscha da fabrica.

Il cumün inchascha üna taxa da trattamaint da fr. 50.--.

116 021

**FABRICA**

**Cumün da Sent – Ingrondimaint deponia d'immundizchas, Curtin**

l'ls ultims mais s'ha stuvü constattar cha la deponia da Curtin vain frequentada bainquant daplü co calculà cun progettar la deponia. Perquai vain quella uossa schlargiada per ün elemaint da cuntgnaröl suotterran. Quist intent es pussibel sainza stuvair levar üna piazza da parcar. Il Cussagl cumünal decida da conceder il permiss da fabrica.

Il cumün inchascha üna taxa da trattamaint da fr. 100.--.

117 021

**FABRICA**

**Cusqliader da fabrica**

Per dumondas esteticas in connex cun fabricats faja minchatant dabsögn d'üna cussagliaziun professionala. Sün proposta da la cumschiun da fabrica elegia il Cussagl cumünal a l'architect Renato Maurizio da Maloja sco cusqliader da fabrica.

118 021

**FABRICA**

**Urs ed Elisabeth Beer – Allea Sur En**

Il conjugals Urs ed Elisabeth Beer chi possedan üna chasa a Sur En han malavita cha'ls bös-chs da l'allea a Sur En van planet in malura. Els dumondan perquai da pudair implantar sün lur agen terrain chi cunfina cun l'allea existenta e sün agen cuosts üna lingia bos-cha da föglia. Els rendan però attent cha per pudair dar a la lingia da bös-chs vers la via l'aspet d'üna allea nu saja pussibel da tgnair aint la distanza tenor dret civil invers la via respectivmaing la parcella vaschina ch'id es la parcella da cumün. Els prevezzan d'implantar ils bös-chs in stretta collavuarziun cun nos silvicultur Mario Riatsch. Il Cussagl cumünal salüda fich quista generusa sporta e decida da na vulair far in quist cas valair il dret civil causa chi's tratta be d'ün transferimaint da l'allea da maniera cha l'allea nouva gniss posiziunada dafatta plü dalönch davent da la via co quella existenta. Il permiss vain concess tenor ils plans inoltrats.

119 62

**VIAS CUMÜNALAS**

**Dons via – Lingia stoppada Funtana da Curtin**

La lingia da la Funtana da Curtin es repetidamaing stoppada e chaschuna cun quai dons vi da la via. Causa chi cuorra adüna darcheu bler aua giò per la via as vuless savair scha quai succeda causa cha la lingia es ruotta o causa cha la lingia es massa pitschna. Sün proposta dal schef da vias champestras decida il Cussagl cumünal da laschar il prüm üna jada pulir tras e controllar cun üna camera la lingia per verer scha quella es intera, avant co far ün proget plü grond per ün ulteriura vasca ed üna seguonda lingia da dis-charge.

120 02

## **ADMINISTRAZIUN**

### **Plan da vacanzas Cussagl cumünal**

L'administraziun metta insembel il surnnomnà plan pel Cussagl cumünal. Implü giavüscha il capo eir ün plan da vacanzas complessiv dals impiegats da l'administraziun cumünala e dals capolavuraints sco eir dals commebbers da la cumischiun da fabrica e da la cumischiun da planisaziun.

121

## **ORIENTAZIUNS**

### **Sezzüda a Ftan**

Il capo orientescha ch'el piglia part a la sezzüda dals 3 mai 2012 a Ftan e regard la lingia d'ota tensiun Pradella- Martina.

### **Quints GVG chamonna Marjers**

Sün giavüsch dal capo ha Rico Zini tscherchè oura ils quints da la GVG cha'l cumün ha pajà per la chamonna da Marjers i'ls ultims traidesch ons. Tenor Rico Zini nun esa pussibel d'eruir scha'l cumün ha pajà eir avant l'on 2000 ils quints correspondents.

### **Fögl d'orientaziun Posta**

Il capo orientescha cha l'orientaziun prevista da la Posta a regard l'agenzia da posta in fuorma da fögl volant a la populaziun da Sent saja gnüda sistada davart da la TESSVM e dal capo causa cha la fatschenda da l'agenzia es amo pendent uschè chi vess dat in quel sen ün fos purtret.

122 020

## **ADMINISTRAZIUN CUMÜNALA**

### **Lavuraints ed impiegats cumünals**

In assenza da l'actuara discussa il Cussagl cumünal sur da la surnomnada fatschenda.

L'actuara: